

Танъгъчин комсомольск организацин оргбюрон негдгч сеглăтр ўр Б. П. НАДБИТОВИН докладас

Мана Халъмг танъгъчин комсомольцнр болн багъчуд КПСС-н XX-ч хургин болн ВЛКСМ-н XII-ч хургин шиидвр кўцалгънд орлцад, танъгъчин ъмн тавгдсн элл-ахун болн политическ тѳрмўдт орлцад, ик сѳн диилвр бѳрцѳв.

Халъмг танъгъчин кўч-кѳлсчирин бий деерѳн авгдсн даалгъврмудиг кўцалгънд орлцад комсомольцнр болн багъчуд тер ик кергўдт ухан-седклѳн ѳгч, шунмгѳагар кѳдлцѳв. Халъмг танъгъчин кўч-кѳлсчир 1960 джилд 3 сай хѳѳтѳ болх, селѳнѳ элл-ахун 100 гектар газр болгъна тоод 304 килограмм ноос авх даалгъвр авсн.

Эн ик тѳрт 3000 шаху комсомольцнр болн багъчуд орлцад, мал-агърусна кѳдлмш кеджѳцхѳнѳ. Танъгъчд багъчудин 216 хѳѳнѳ болн 29 МТФ-н бригадс бўрдѳгдсн кѳдлджѳнѳ. Тедн дунд Элст балгъсна Ленинѳ нертѳ колхозин хѳѳч Алексей Родоченкон, Целинн района „Ленинский“ совхозин хѳѳч Нарма Боктаевин, Приютненск района 107 номертѳ совхозин хѳѳч Цибулевскин бригадс ѳмн нўўрт йовцхана.

Олна малд хот-хол белдхл багъчуд ик гидг нѳкд болв. Комсомольцнр болн багъчуд танъгъчд белдгдсн ѳвснѳ 70 процентинь хаддж, хурацхав.

ѳвс хадлгъна цагла ик сѳн ўзмджтѳгъѳр ним бригадс кѳдлцѳв: Яшалтинск района Восточн МЖС-н Маяцкин бригад, „Черноземельский“ совхозин Конниковин бригад, Сарпинск МТС-н комсомолец Николай Ткачевин бригад, нань чигн бригадс.

Танъгъчин комсомольцнр болн багъчуд ѳмтн бѳѳх гермўд болн малмуд орулх хашас тосхлгънд ик шунмгѳагар орлцад йовна. Яшкульск района комсомольск организацнр эн

туст легд чинртѳ дѳнъгѳн кўргв. Тедн 18 дулан хаша, 26 кошар эврѳннь чидлѳр ясцхав. Цуг танъгъчар болхла, комсомольцнрин болн багъчудин чидлѳр 95 дулан хаша, 62 кошармуд болн хѳѳчирин 118 гер бѳргдв. Комсомольцнр болн багъчуд танъгъчан кеерўллгънд, гермўд тосхлгънд, административн болн культурн тосхлтд, ѳмтн бѳѳх хотн-селѳд кѳкўрўллгънд шунмгѳагар орлцад йовцхана. Дѳрлдж бѳѳх багъчуд дунд Петр Куцековин, Аркадий Оголовин, Константин Манджиевин, Давыд Гильджировин тосхлтин бригадс нўўрт йовцхана.

Танъгъчин комсомольцнр болн багъчудиг ѳмтн бѳѳх гермўд, малин дулан хаша-хаац, хѳѳчир бѳѳх гермўд, кошармуд тосхлгънд цааранднь чигн шунмгѳагар орлцхиг дууджанадн.

Комсомольск организацин культурно-массовый болн спортивн кѳдлмшнь ѳмнкѳсн ясрв, эн тоот районн болн танъгъчин багъчудин фестивалъ келгънд тусан халдав. Фестивалъд цуг райодин сѳн-сѳн коллективс орлцхав.

Мана Халъмг танъгъчин сургўльчнр чигн олн-ѳмтнѳ кергѳс ард ўлдж йовцхахш. Тедн сургўлѳн сѳѳнѳр дасн деерѳн, колхозин, совхозин кѳдмшд дѳнъ-нѳкд болна. Эн джил 23 сургўльчнрин производственн бригад бўрдѳгдв.

Эн тоот кўцѳнъгъўсѳн темдгдг болв чигн, танъгъчин комсомольск организацин кѳдлмш делгў сѳн гидж келдж болшго. Кесг комсомольск организацн комсомолд уга багъчуд дунд муугъар кѳдлмш кесн учрар, эн джилин февраль сарас авн октябрь сар кўртл комсомолд зуг 1339 кўн орулдж авгдв, тедн дунд зуг 210 халъмг кѳвўд-кўўкд

орулдж авгдв. Иим кѳдлмшиг сѳѳнд тоолдж болш уга. Эврѳ газр-уснурн нўўдж ирдѳѳх багъчудиг комсомолд орулдж авч, тедниг олн кѳдлмшд дасхдж, медрл-сургўлѳн ѳблѳлѳхднь дѳнъ-нѳкд болх кергѳтѳ.

Райкомс, эклц комсомольск организацин комитетс багъчудин чидлиг сѳѳнѳр агслж, производственн тѳрмўд кўцалгънд сѳѳнѳр олзлхш, эклсн кѳдлмшѳн дуусдж кехш, келжѳх дѳрлѳг олзта-туста болдгар кўцѳхш. Политическ сургъмджин кѳдлмш бас муугъар келдж бѳѳнѳ.

Ўлгўрнь, Юстинск, Приозерн райодт, Элст балгъснд комсомольцнр дунд политическ сургъмджин кѳдлмш йир муугъар келдж бѳѳнѳ. Танъгъчин багъчуд дунд лекционн кѳдлмш бас сулар келдж бѳѳнѳ. Халъмг келѳр лекц тѳрўц умшгдхш.

Танъгъчд харслтин болн спортивн кѳдлмш бас дуту-дундар келджѳнѳ. Райодин икнъкднь физкультурн коллективс болн ДОСААФ-н эклцин организацн бўрдѳгдѳд уга. ВЛКСМ-н райкомс болн эклц комсомольск организацн, физкултурин болн спортин комитетслѳ, ДОСААФ-ла хамдан багъчудиг харслгъна-спортивн кѳдлмшд дасгъхш.

Бўрдѳмджин кѳдлмш чигн дуту-дундар келджѳнѳ. Комсомольск хургуд цуг газрмудар цаг-цаглари болхш, тедн сонън-сѳѳнѳр келдхш.

Эн тоот дуту-дундан чиклдж, мана Халъмг танъгъчин комсомольцнр болн багъчуд кѳдлмшдѳн шин ик сѳн диилвр бѳрдж, Коммунистическ партин XX-ч хургин болн ВЛКСМ-н XII-ч хургин шиидврмудиг кўцѳлдж, Халъмг танъгъчиннь элл-аху цецгўрўлх мѳн.